

## DEFECTION OF THE NIKOLLA BROTERS

# SHQIPERIA

SHKURTIM LAJMESH

SHQIPERIA është organi zyrtar i Komitetit Kombëtar «SHQIPERIA E LIRE», një organizatë e përbërë nga përfaqësuesit e Shqiptarëve të çdo shtrese shoqërore dhe lëvizje politike, të cilët marrin pjesë në kryqëzatën botërore kundër tiranisë komuniste për çlirimin e Atdheut.



Komiteti Kombëtar «SHQIPERIA E LIRE»; u është kushtuar këtyre punëve: 1) Të mbrojë të drejtën e Shqiptarëve që të zgjedhin lirishit regjimin që u pëlqen; 2) Të zhvillojë marrëdhënie të mira me Shtetet fqinje; 3) Të sigurojë njohjen e kufijve tokësorë të Shqipërisë; dhe 4. T'i japë Shqipërisë vendin që i përket në gjirin e Shteteve të lira të botës.

BOTIM I JASHTZAKONSHËM Nr. 1 E BOTON KOMITETI KOMBETAR «SHQIPERIA E LIRE»

DIMER 1954

## PARA ARRATISJES



## MBAS ARRATISJES



SHQIPERIA DIGEST


DEFECTION OF THE NIKOLLA BROTHERS

## Dy Djelmosha Te Guximshem Shqiptare Dalin Ne Boten E Lire

Dy djelmosha Shqiptar, vllëzrit Thanas dhe Kristaq Nikolla, pa marre parasysh rrezikun dalin ne Boten e Lire.

Te dy djelmoshat Shqiptar e kishin pregatit me kohe planin e arratisjes se tyre. Thanas Nikolla sherbente si mekanik ne moto-barken Dinamo, qe at dite ishte destinue te transportonte nje sasi mielli prej Vlore ne Sarande. Personeli i barkes perbahej prej kapitanit, dy ushtarve rojtare dhe mekanikut. Thanasi kishte ngele ne fjale me vellane e tij Kristaqin qe te qendronte diku ne buze te detit gjate nates qe barka do te kalonte prej andej. Plani i vllëzerve Thanas dhe Kristaq Nikolla filloj me kambe te mbare se pse barka u nis pikerisht ne kohen e parapame prej tyre. Me qene se Thanasi ishte i ngarkuem edhe me sherbimin e ushqimit te ekuipazhit, aty nga mbramja sherben ushqim dhe pije personelit, por pija nuk ishte ajo qe u kish sherbye edhe here te tjera.

Kete here Thanasi i kish hjedhe mbrendë pak nga bari narkotik qe kish marre me vedit, per t'i vene ne gjume te vazhdueshem, ne menyre qe te mund te realizonte planin e arratisjes. Dhe me te vertete ashtu ngjajti. Nje gjume i rande e suni si kapitanin e barkes ashtu edhe te dy ushtaret, ndersa Thanasi mbet i vetmi qe drejtonte barken.



### Moto-barka DINAMO

Mbas disa kohe lundrimi, kur barka ish largue disa milia nga limani i Vlores, ne nji cep te breg-detit, dukej nji drite e zbate qe i epte shenja barkes. Ishte Kristaqi qe priste Thanasin t'a mirrte ne barke. Nata ish e erret, ujet ish i ftohte, por Kristaqi nuk u friksue. Hoq teshat dhe e çau detin e ftohte me not deri sa mberrini ne barke, ku Thanasi e ndihmoj te hypij dhe i ep te veshi nji pale teshat qe ia kish ba gadi.

Kapitani dhe dy ushtaret ishin ende ne gjume, kur te dy vllëzrit e kishin drejtue moto-barken ne ujaret e Korfuzit, ne drejti te Botes se Lire.

Kur kapitanit dhe ushtarve u dolli gjumi ishte teper vone, se Thanas dhe Kristaq Nikolla e kishin hjedhe rrezikun, dhe me armet e ushtarve rojtare qe i kishin ç'armatos gjate rruges iu drejtobeshin.

Mbas pak kohe zbarkuen ne ishullin e Korfuzit dhe iu dorzuen autoriteteve te vendit dhe perfaqesive nderkombtare si refugjat politik. Ato dite ç'do fletore me randesi e Botes se Lire jipte lajmin e arratisjes se dy djelmoshave shqiptare dhe fotografite e tyre.



K.K.SH.L. dhe perfaqesuesit e shtypit te lire rane me nji here ne kontakt me te dy djelmoshat tue i pergezue per xhestin e tyre te guximshem. Tani te dy vllëzerit jane tue bere pllana per emigrim.

Keta dy djelmosha perfaqesojne dhe personifikojne rinine shqiptare qi me guxim e vetemohim po lufton komunizmin si mbrendë ashtu edhe jashte Atdheut.

K.K.SH.L. i pret me gezim e krah hapet ne rradhet e veta te tille luftetar per liri.

**PER SHQIPNI!  
PER LIRI!  
PER FLAMURIN  
KUQ E ZI!**

#### NDEGJONI RADION "ZERI I SHQIPERISE SE LIRE..

Ora	Metra
06,30	47 dhe 46
1330	47 dhe 46
18,30	47 dhe 43
21,30	47 dhe 43